

鄧州志卷之二十

古延蔣光祖振裘氏纂修

列女

古之傳列女者或以德孝顯亦或以才智稱雖未嘗
數數觀不可謂無其人也。要惟節烈者多著焉。夫
死于幼堂上有垂白之親宗祀僅一綫之托卒能茹
荼苦志養老存孤豈不令人肅然起敬哉。若乃卒遇
強暴時際亂離舍生取義視死如歸雖烈丈夫曷以
加焉。抑或所天旣喪誓不獨生其志可哀其義烈不
可沒也。斯皆身係綱常生光彤管國家亦旣旌表

入祠而貧窶之冢子孫不振或亦莫爲表彰茲皆搜訪著之於篇毋使其苦節泯沒焉志列女

唐

鄧曼鄧女楚子夫人桓王二十一年楚屈瑕伐羅聞

伯比送之還謂其御曰莫敖必敗舉趾高心不固矣

見楚子曰必濟師楚子辭焉入告夫人鄧曼鄧曼

大夫其非衆之謂其謂君撫小民以信訓諸司以

德而威莫敖以刑也莫敖狃於蒲騷之役將自用也

曼小羅君若不鎮撫其不設備乎夫固謂君訓衆而

鎮撫之召諸司而勸之以令德見莫敖而告諸天

假易也不然夫豈不知楚師之盡行也楚子使

賴人追之不及莊王七年楚武王荆尸授師子焉以
伐隨將齊入告夫人鄧曼曰余心蕩鄧曼歎曰王祿
盡矣盈而蕩天之道也先君其知之矣故臨武事將
發大命而蕩王心焉若師徒無虧王薨於行國之福
也王遂行卒於櫛木之下

唐陸家姑張巡姊嫁陸氏號王巨之走臨淮遮王勸勿
行不納賜百縑勿受爲巡補縫行間軍中號曰陸家
姑先巡被害

關盼盼張建封妾建封鎮徐州盼盼從之建封卒盼盼
守節獨居燕子樓嘗作燕子樓詩白居易愛其詩和

之云今春有客洛陽回曾到尙書塚上來見說白楊
堪作柱怎教紅粉不成灰末復綴一絕云黃金不惜
買蛾眉揀得如花四五枝歌舞教成心力盡一朝身
去不相隨盼盼得詩泣云自公見背妾非不死但恐
後世以公有從死之妾是玷我公清範也今公歿已
久可以相從於地下矣遂不食七日而死

〔明〕李氏羅斌妻鄧州人善之長女歸未幾而斌喪有遺
孤時李甫三十守節終身景泰中旌表

馬氏楊顯妻年十九夫歿守志撫孤終身無間言成化
中旌表

丁氏朱璟妻璟卒丁年十九以育孤完節自誓不飾容
不疾言孀居五十餘年雖兄弟罕見其面

高氏黃祿妻年二十餘夫卒矢志靡他訓遺孤爲郡學
弟子知州王道行旌其門

張氏孔時通妻千戶鐸之女適通甫二載夫卒無嗣抗
節自守垂四十年以疾終

劉氏秦宗義妻歸於秦勤儉自持其姑淫悍欲污之劉
不從屢被箠乃號哭自縊死知州張僊杖殺其姑
而遣祭葬之

章氏張誦妾性貞介不妄言笑誦丁艱解組卒於家章

卷之二
年二十七欲殉不可得廼與嫡丁宜人勵志守節同撫遺孤紡績以督夜讀丁尋卒所守愈勵茹荼飲藥教子弗輟族黨有凌之者惟閉門飲泣而已子竟成名亦不與較當事奏表其門仍免二丁供掃除塋域之役鄉里榮之

丁氏藍嘉秀妻誕女年十七適嘉秀越二年夫卒無子力貧守節竭女紅奉舅姑者二十餘年歿復嚮奩盡禮自羅土營二塚手蒔一栢記之忽傍生一栢有連理之端事聞建坊旌表

氏舒五常妻垠女年十七適五常三年五常卒卽欲

同死姑防護惟謹丁哀毀骨立數月終死焉有司旌其門

王氏劉孝祖妻年十八適孝祖生一子年二十九夫歿矢志撫孤妾遺腹亦生子撫如已出二子成立產業均之守節四十餘年當道旌曰節操慈範

李氏蘓篇妻文達公曾孫女自幼適篇克盡婦道年三十篇卒撫孤守節有司扁其門孫汝霖早故孫婦丁氏昭之孫女亦矢志守貞稱一門兩節云

黃氏郭應奎妻主事凝道女年十九喪夫舅姑謀奪其志黃哀毀骨立屢欲自經舅姑隣而順之日竭甘旨

事繼姑撫養幼叔尤極勤劬郭祀賴以不斬有司奏其事勅建貞節坊

王氏楊廷秀妻年十九適廷秀相夫讀書爲庠廩生四年而寡遺孤荷明纔二歲茹荼飲冰訓撫其子亦爲庠廩生且有優行學使者屢褒嘉之院道府歲給穀三十石以示優異天啟四年年近八旬奉旨建坊旌表

楊氏丁鑑妻少貞靜端莊旣歸鑑治家有法丁氏尙禮教非縫掖或不爲族黨所重楊躬績佐讀相夫成名未幾鑑卒遺子如溥甫四齡如汴三齡楊飲冰茹荼

教兩孤以禮稍長延名儒訓導咸篤學有聞家固窶
每歲時享祭質簪珥必豐必潔嫠居五十餘年奉姑
教子睦妯娌迄老無間言崇禎三年以壽終

張氏唐瑾妻貢士六德女幼習壺訓適瑾持身嚴潔事
舅姑甚孝瑾性靜介少交遊張主內政紡績耕稼皆
經理焉家以饒裕教二子聲籍膠庠舅姑歿哀毀盡
禮崇禎十年三月張獻忠陷內城張携女四姐媳楊
氏避春風閣下賊至搜其婢掠之婢曰有主家少女
在此引賊牽四姐出至戶四姐攀隈罵賊指盡裂張
大罵出抱女伏地曰便同殺此吾女豈受賊辱賊怒

交刃砍之楊氏從床壁間急出以身蔽姑同時俱碎
四姐亦中數刀以母嫂蔽之絕復甦得不死楊氏瑾
子齊皐妻生員時榮女弟純孝端一沉靜不見言笑
及赴姑難烈烈而死里黨稱之不衰云

楊氏溫茂業妻鄧州桑家莊人性貞潔崇禎十年二月
張獻忠破鄧城茂業遇害氏早孀抗節自守不以流
離易志十三年八月獻忠再寇鄧氏被虜不屈號呼
厲罵曰磔頭奴害人之夫而亂人之節何不促殺我
賊怒剗目剗舌而死

王氏彭彬妻性婉嫻勤中饋彬早卒子而述甫四齡王

緝組操作奉姑撫教孤子崇禎十三年而述成進士
除陽曲知縣迎養於晉陽王每念起家艱難教以勤
施惠政問有善狀則喜十六年卒於官署孫女大姐
年十四適李雙桂流賊寇鄧而述奉母欲携女俱入
城女曰旣爲李氏婦豈敢離姑遠去其姑謀登樓以
避女從之賊素聞而述名意其在樓中索之或告曰
已入城矣攻愈急樓破繫男女數百人女從衆中出
厲聲曰我卽彭某女也今日但求一死惡砍吾頭賊
怒割其腕罵不絕口而死及而述登第以母節女烈
聞於朝奉旨旌表

劉氏丁如汴妻性貞婉明鑒遠識慷慨有丈夫節相夫成家事姑孝養備至姑歿易服飾襄塋祭崇禎十六年李自成據鄧逼大姓授僞命不就者赤族劉謂男之棻曰吾家世重禮教恐以不義見迫爾宜遠避勿恤家之棻遂携家西遁得免乙酉二月自成敗復過鄧屠掠益甚如汴先被害劉仰天慟呼曰夫旣死理無獨全乃號哭慢罵求速殺賊怒砍之頸未絕復蘓賊退昇入王氏樓下後賊復破樓劉赴火死

李氏金時輝妻徵仕郎大醇女也性端默尙儉約身先紡績課僕婢力田事姑以孝聞乙酉二月李自成寇

鄧氏閉戶自縊群婦覺救之益悲泣不自勝越三日賊大至乃自投刁河而死

李氏唐壯行妻大醇仲女素貞介不苟言笑相夫讀書躬紡績孝事翁姑居喪成禮中外以賢孝稱乙酉二月李自成屠鄧州氏避土山賊騎突至氏度不能免投房家寨井中死子生員運泰收葬焉

周氏李文定公永茂繼室百戶勉卿女幼習內則知禮義年十四適永茂崇禎十年家人爲賊衝散獨與姑俱乃以子付姑令遠遁將墜城死姑挽之良久適蒼頭盧朴至言北隅可出乃同奔鄉庄嗣是避亂楚粵

卷之二
間崎嶇艱難惟以調護舅姑爲念身之存亡不恤也
舅姑歿佐夫成禮不以倉皇奔走中稍從衰儉及永
茂卒於梧州周哀毀骨立無日不哭每哭必絕見者
莫不墮淚逾年亦卒年三十四永明王贈以一品夫
人予祭葬

丁氏張孫繩妻生員丁鉄女性朴實年二十二孫繩卒
無子氏哀毀欲身殉旣念公姑年老無倚遂厲志守
節孝養喪葬盡禮年七十餘卒

王氏丁之楨妻華陰知縣九疇女事公姑極孝相夫讀
書夫亡於亂守志撫孤乙酉李自成掠鄧姑喬孺人

聞亂赴井死氏哀號告其伯姆某氏亦同赴井死焉
李氏游擊將軍王之藩妻之藩殺賊死家故豐饒世亂
蕩盡李撫其孤子福采稻度生十年如一日順治二
年李自成旣敗捲土南下李匿石洞中得免子福被
擄李掃櫪間遺菽和苦菜吞之以待兒歸里中猾胥
貪其姿欲奪之或以爲言李指西園井誓曰此未亡
人死所吾夫忠臣吾烈婦若敢以此言相犯耶倘吾
兒歸煩若等報吾死所足矣是夜投井死其子福尋
自岳州歸

戴氏庠生劉思舜妻年十五適思舜夫歿戴年三十誓

志守節撫二子成名性節儉慈愛鄉里咸稱之歲稔有鄰婦王氏者夫爲寇擄王窘急自經戴與鄰媼救而甦之論曰一家性命在爾一人一死則舉家無復生理盍苟延以待夫歸也婦曰翁跛姑盲三子稚幼無升斗爲養不死何待戴乃分殮給之逾月其夫歸舉家全活

桂姐申情之女許字陳子通未嫁子通溺死女聞卽日自經有司上其事勅建烈女坊祀開封府烈女祠

大姐秦東海女鄧州燕家店人幼慧有德操年十四未字崇禎十三年八月張獻忠寇鄧女被擄不屈且哭

且罵曰我幼承父兄訓今日之變肯從爾狗彘污辱哉賊怒肢解之

高氏賈漢相妻年二十夫歿遺孤名言尙在懷抱矢志不逾鄉黨有慕其賢欲委聘者高引刀刺面乃止後流寇屠鄧母子爲賊所獲因紿賊曰放吾兒便從汝賊信之縱名言去乃大罵不屈遂遇害

國朝王氏彭而述妻多才智崇禎十七年四月與而述在武昌聞李自成陷京師不食者累日謂而述曰恨我婦人不能救國家之難因自投江中救之得不死魏禧曰余讀左氏傳楚夫人鄧曼多識畧夫人固鄧產